

RESOLUCIÓN do 17 de xaneiro de 2024 pola que se establece a composición da Mesa de Contratación Permanente.

O artigo 326.1 da Lei 9/2017, do 8 de novembro, de contratos do sector público (LCSP/2017), establece que nos procedementos abertos, abertos simplificados, restrinxidos, de diálogo competitivo, de licitación con negociación e de asociación para a innovación os órganos de contratación das administracións públicas estarán asistidos por unha mesa de contratación. Nos procedementos negociados en que non sexa necesario publicar anuncios de licitación e nos procedementos a que se refire o artigo 159.6 a constitución da mesa será potestativa para o órgano de contratación.

A nova composición do Equipo de Goberno, resultante das eleccións do día 4 de decembro de 2023, esixe adaptar a composición da Mesa de Contratación Permanente.

De conformidade co previsto no artigo 326 da LCSP/2017 e na súa normativa de desenvolvemento, e en exercicio das facultades que lle confire o artigo 36 dos Estatutos da Universidade da Coruña, esta reitoría

RESOLVE:**Primeiro. Composición da Mesa de Contratación Permanente**

Desígnanse os membros da Mesa, así como os membros suplentes, que se citan a seguir:

1. Presidencia: a persoa titular da Vicerreitoría de Economía e Planificación Estratéxica.

Suplente: a persoa titular da Adxuntía de Economía.

2. Vogais permanentes:

- a) Secretaria Xeral

Suplente: a persoa titular da Vicerreitora de Infraestruturas e Sustentabilidade

- b) Xefatura do Servizo de Control interno

Suplente: Xefatura de Sección do Servizo de Control Interno.

- c) Xefatura do Servizo de Asesoría Xurídica.

Suplente: Xefatura de Sección ou, na súa ausencia, pola do negociado do citado servizo.

- d) Xefatura do Servizo de Contratación Administrativa.

Suplente: Xefatura dun dos Negociados do Servizo de Contratación Administrativa.

3. Secretaría: Xefatura da Sección de Contratación.

Suplente: Xefatura dun dos Negociados do Servizo de Contratación Administrativa.

Código Seguro De Verificación	18S0Yzg08TugII48pN4o3w==	Estado	Data e hora
Asinado Por	Reitor - Ricardo José Cao Abad	Asinado	17/01/2024 17:36:14
Observacións		Páxina	1/2
Url De Verificación	https://sede.udc.gal/services/validation/18S0Yzg08TugII48pN4o3w==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



Segundo. Normas de funcionamento da Mesa

1. Para a válida constitución da Mesa deberá estar presente a maioría absoluta dos seus membros e, en todo caso, o/a presidente/a, o/a secretario/a e os dous vogais que teñan atribuídas as funcións correspondentes ao asesoramento xurídico e ao control económico orzamentario do órgano de contratación.
2. Terán voz e voto todos os membros da Mesa, agás o/a secretario/a da Mesa.
3. A Mesa de Contratación poderá solicitar o asesoramento do persoal técnico ou experto independente con coñecementos acreditados nas materias relacionadas co obxecto do contrato. A súa asistencia será autorizada polo órgano de contratación e deberá ser reflectida expresamente no expediente, con referencia ás identidades deste persoal técnico ou experto, e á súa formación e á súa experiencia profesional (artigo 326.5 da LCSP/2017).
4. A Mesa de Contratación poderá solicitar cantos informes técnicos considere pertinentes (artigo 150.1 da LCSP/2017).
5. Nos casos en que a valoración dos criterios mediante un xuízo de valor corresponda a un comité formado por expertos ou a un organismo técnico especializado (artigo 146.2.a) da LCSP/2017), a designación realizarase e publicarse no perfil de contratante (artigo 63.5 LCSP/2017).
6. De maneira supletoria, o funcionamento da Mesa rexerase polo establecido no título preliminar, capítulo II, sección 3ª, subsección 1ª, da Lei 40/2015, do 1 de outubro, de réxime xurídico do sector público.

Terceiro. Publicación e efectos

Esta resolución publicarse no Diario Oficial de Galicia e no perfil do contratante da Universidade da Coruña, e terá efectos desde o día seguinte ao da súa publicación no Diario Oficial de Galicia.

Quedan se efecto as disposicións anteriores que se opoñan á presente resolución reitoral.

Ricardo José Cao Abad
Reitor da Universidade da Coruña

Código Seguro De Verificación	18S0Yzg08TugII48pN4o3w==	Estado	Data e hora
Asinado Por	Reitor - Ricardo José Cao Abad	Asinado	17/01/2024 17:36:14
Observacións		Páxina	2/2
Url De Verificación	https://sede.udc.gal/services/validation/18S0Yzg08TugII48pN4o3w==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		

